



# შირაკი

SHIRAKI

გამოცემის მე-80 წელი

გამოცემის 1937 წლიდან  
დედოფლისწყაროს მუნიციპალიტეტის ბაზეთი

№46 (9.807)

25 ნოემბერი-2 დეკემბერი 2017 წელი

ფასი: 50 თეთრი  
ყოველკვირეული გამოცემა

## „ხელისუფლებაში ყოფნა საკატიოსაა და უდიდესი პასუხისმგებლობის შემცველიც...“

მმ.3



მმ.4

„ყულაბა“  
ღირსეული  
სიბერისთვის...

ფიროსმანი  
- ჩვენი  
საპიზიტო  
ბარათი

მმ.8

გაიცანით 2017  
წლის მოწვევის  
დედოფლისწყაროს  
საქრებულოს  
წევრები

მმ.2-3



მმ.5

კულტურაში  
იზალება,  
იზრდება და  
მალდება  
სიყვარული...



მმ.6

მიტროპოლიტი  
უიო - მოსაყდრე და  
მომავალი პატრიარქი?

ტირორიზმის საფრთხე  
და საქართველო



მმ.7

# გაიცანით დედოფლისწყაროს



ნურბაზარ პაპიაშვილი – საკრებულოს თავმჯდომარე, „ქართული ოცნება“, 60 წლის, პედაგოგი.



გიორგი სამუკაშვილი – საკრებულოს თავმჯდომარის მოადგილე, „ქართული ოცნება“, 44 წლის, ეკონომისტი.



მამუკა სეფიაშვილი – „ქართული ოცნება“, 43 წლის, იურისტი.



დავით ალულიაშვილი – „ქართული ოცნება“, 55 წლის, ინჟინერ-მექანიკოსი.



ალექსანდრე ბენაშვილი – „ქართული ოცნება“, 36 წლის, ინჟინერ-მექანიკოსი.



ნიკოლოზ ხუციშვილი – „ქართული ოცნება“, 35 წლის, ინჟინერ-გეოლოგი.




ზაზა მცხრიაშვილი – „ქართული ოცნება“, 45 წლის, ეკონომისტი.



გიორგი გოგილაშვილი – „ქართული ოცნება“, 61 წლის, ფიზიკოსი.



მიხეილ ბახუაშვილი – „ქართული ოცნება“, 49 წლის, პედაგოგი.



არსენ ბალაშვილი – „ქართული ოცნება“, 29 წლის, ეკონომისტი.



გივი გიბაური – „ქართული ოცნება“, 48 წლის, ისტორიკოსი.



ვასილ ჩოქვიანი – „ქართული ოცნება“, 44 წლის.



ჯემალ კოტაშვილი – ეკონომისტი-69 წლის, პოლიტიკური გაერთიანება „ქართული ოცნება“



ეთერ ზურიკაშვილი – ქართული ენისა და ლიტერატურის მასწავლებელი, 64 წლის, პოლიტიკური გაერთიანება „ქართული ოცნება“



ბაბალე თეთრაშვილი – სკოლამდელი აღზრდის პედაგოგი, 51 წლის, პოლიტიკური გაერთიანება „ქართული ოცნება“



დავით გონაშვილი – პედაგოგი, 57 წლის, პოლიტიკური გაერთიანება „ქართული ოცნება“



ნურბაზარ ყოჩიაშვილი – იურისტი, 30 წლის, პოლიტიკური გაერთიანება „ქართული ოცნება“



ალექსანდრე ბაბაიაშვილი – სამართალმცოდნე, 60 წლის, პოლიტიკური გაერთიანება „ქართული ოცნება“



აკაკი ქავთარაძე – საშუალო განათლება, 36 წლის, პოლიტიკური გაერთიანება „ქართული ოცნება“



ვასილ სამაღაშვილი – ექიმი, 53 წლის, პოლიტიკური გაერთიანება „ქართული ოცნება“

# მუნიციპალიტეტის საკრებულოს წევრები:



გიორგი ჭინჭარაული – პოლიტიკური გაერთიანება „ქართული ოცნება“



ლევან ბალაშვილი – „ერთიანი ნაციონალური მოძრაობა“, 38 წლის, ეკონომისტი.



ლევან იაკობიშვილი – „ერთიანი ნაციონალური მოძრაობა“, 38 წლის, იურისტი.



ავთანდილ სარხელაშვილი – ექიმი, 50 წლის, პოლიტიკური გაერთიანება „ნაციონალური მოძრაობა“.



ნოშვან ნატროშვილი – ეკონომისტი, 56 წლის, „ევროპული საქართველო“.



ივანე შაშვილი – ეკონომისტი, 53 წლის, პოლიტიკური გაერთიანება „ევროპული საქართველო“.



შოთა ჭინჭარაული – ფილოსოფოსი, 60 წლის, „პატრიოტთა ალიანსი“



ზაზა სორნაული – მწერტი, 61 წლის, „პატრიოტთა ალიანსი“.

## „ხელისუფლებაში ყოფნა საპატიოსნაა და უდიდესი პასუხისმგებლობის შემცველიც...“



### ნოშვან ნატროშვილი

დაიბადა 1958 წლის 1 იანვარს დედოფლისწყაროს რაიონის სოფელ ქვემო ქედში. 1983 წელს დაამთავრა თბილისის სახელმწიფო უნივერსიტეტის ისტორიის ფაკულტეტი და მიენიჭა ისტორიკოსის, ისტორიისა და საზოგადოებათმცოდნეობის მასწავლებლის კვალიფიკაცია. 1983-1985 წლებში მუშაობდა ქალაქ თბილისის N71-ე პროფესიულ სასწავლებელში ისტორიის მასწავლებლად. 1985-1991 წლებში ნუგზარ პაპიაშვილი თბილისის N2 მუსიკალურ სასწავლებელში აგრძელებს ისტორიისა და საზოგადოებათმცოდნეობის პედაგოგად მუშაობას. 1991 წლიდან 1993 წლამდე დედოფლისწყაროს რაიონის სოფელ ქვემო ქედის საშუალო სკოლის დირექტორია, ხოლო 1994-1997 წლებში ამავე სოფლის საკრებულოს თავმჯდომარე. 1997-2000 წლებში ის დედოფლისწყაროს გამგეობის საორგანიზაციო განყოფილებას ხელმძღვანელობს, რის შემდეგაც კვლავ პედაგოგიურ საქმიანობას უბრუნდება და 2000 წელს ქ.თბილისის N89-ე საჯარო სკოლის დირექტორად იწყებს მუშაობას, ხოლო 2007 წელს N193-ე საჯარო სკოლის დირექტორად. 2009 წლიდან 2012 წლამდე ის კვლავ მშობლიურ სოფელს ხელმძღვანელობს. 2013 წლის იანვრიდან ნუგზარ პაპიაშვილი კახეთის საკრებულოს სამმართველოს, ხოლო 2013 წლის აგვისტოდან 2014 წლის ივლისამდე გარემოს ზედამხედველობის კახეთის სამსახურის უფროსის პოსტებს იკავებს. 2014 წლის 14 ივლისიდან ნუგზარ პაპიაშვილი დედოფლისწყაროს მუნიციპალიტეტის საკრებულოს თავმჯდომარის მოადგილეა, 2017 წლის 5 აპრილს კი ის დედოფლისწყაროს მუნიციპალიტეტის საკრებულოს თავმჯდომარედ აირჩიეს. ჰყავს მეუღლე და სამი შვილი.

ნუგზარ პაპიაშვილი რამდენიმე დღის წინ 2017 წლის მონვევის საკრებულოს წევრებმა საკრებულოს თავმჯდომარედ მთავარი ვადით აირჩიეს. გთავაზობთ მასთან ბლიც ინტერვიუს, საიდანაც შეიტყობთ, როგორია ის საკრებულოს თავმჯდომარის სავარძლის მიღება, რა ღირებულებები მისთვის ფასეულია, რას ნანობს და ვინაა მისთვის ყველაზე მნიშვნელოვანი ადამიანი.

**ხელისუფლებაში ყოფნა არის...**  
-საპატიოც და ამავე დროს, უდიდესი პასუხისმგებლობის შემცველიც. ბედნიერი ვარ და მიხრილი, რომ იმ პერიოდში მომიხდა რაიონის ერთ-ერთ მნიშვნელოვან თანამდებობაზე მუშაობა, როდესაც ბევრი რამ კეთდება დედოფლისწყაროში ინფრასტრუქტურის თვალსაზრისით.

**დედოფლისწყარო ჩემთვის არის...**  
-ჩემი უსაყვარლესი რაიონი, სადაც დავიბადე, გავიზარდე და სადაც დღემდე ვცხოვრობ...

**ვერასოდეს წარმოვიდგენდი, რომ...**  
-დრო ასე სწრაფად გავიდოდა...  
**მოვლენა, რომელმაც ჩემი ცხოვრება შეცვალა...**  
-პირველი შვილის დაბადება. ამ მოვლენის შემდეგ უკვე სხვანაირად ვუყურებ ცხოვრებას.

**ყველაზე მნიშვნელოვანი ადამიანი თქვენს ცხოვრებაში...**

-ჩემთვის ყველაზე მნიშვნელოვანი ადამიანი იყო, არის და იქნება დედა. დღესაც, 60 წლის კაცი, რომელიც უკვე პაპა ვარ, ხშირად სიზმარში ვხედავ მას. ეს არის ადამიანი, ვის მიმართაც განსაკუთრებული მონატრების გრძნობა მაქვს.

**უარს ვერასოდეს ვიტყვი...**  
-მეგობრებთან ყოფნაზე, მათთან ერთად დროსტარებაზე...

**როცა მაქვებნ...**  
-მსიამოვნებს.

**როცა მატყუებენ...**  
-ყოველთვის ვგრძნობ ამას და მეცივება.

**როცა მაკრიტიკებენ...**  
-არ მომწონს.

**ბოროტება ჩემთვის არის...**  
-მიუღებელი.

**ენანობ, რომ...**  
- უფრო მეტი შვილი არ მყავს. მართალია, სამი შვილის მამა ვარ, მაგრამ მრავალშვილიანი ოჯახი უფრო მომწონს.

**ჩემთვის მიუღებელია...**  
-ლაღობა.

**არასოდეს ვამბობ...**  
-არასოდეს ვამბობ, არასოდეს...ცხოვრებაში შეიძლება ყველაფერი მოხდეს.

**ცხოვრება რომ თავიდან იწყებოდა...**  
-ჩემს ცხოვრებაში არაფერს არ შევცვლიდი.

**წლები და ასაკი ცხოვრებაში რას ცვლის...**

-ასაკი გაძლევს დიდ გამოცდილებას და, გარკვეულწილად, ფსიქოლოგიც ხდები. აღარ გჭირდება ადამიანის გაცნობისთვის იმდენი დრო, რაც ადრე გჭირდებოდა...

**თავისუფლება არის...**  
-აბსოლუტური თავისუფლება არ არსებობს. თავისუფლებაა, როდესაც საქციელში, მოქმედებაში და სიტყვაში არავინ არ გზღუდავს, მაგრამ შენს ქმედებაში შინაგანი საზღვარი ყოველთვის არსებობს.

**ჩემი კომპორტისთვის აუცილებელია...**  
-კანონიდან და სამართლიდან გამომდინარე, ვიმოქმედო ყოველგვარი შეზღუდვების გარეშე.

**ტყუილი გამართლებულია, როცა...**  
-როდესაც სხვას ზიანს არ აყენებს, ანდა ახლობელი ადამიანის დიდი ტკივილისგან დაცვას ცდილობს...

**რამ შეიძლება მდგომარეობიდან გამომიყვანოს...**  
- უმადურობამ და უსამართლობამ.

**ყველაზე ხშირად ვფიქრობ...**  
-შვილებზე, მათ მომავალზე...

**მარადიულია...**  
-სიკეთე... სანამ ცოცხალი ხარ, მაშინაც ჩანს, და მაშინაც, როდესაც ამ ქვეყნად აღარ იქნები.

**განმარტოება მიყვარს, როცა...**  
-განმარტოება მიყვარს ხშირად, მაშინაც, როდესაც რაიმე პრობლემის გა-

დაჭრა მიწევს და მაშინაც, როდესაც ბედნიერი ვარ.

**სტიმულს მაძლევს...**  
-შვილები და შვილიშვილები.

**ბედნიერება არის...**  
-ერთი სიტყვით ამის განსაზღვრა ძალიან ძნელია. ალბათ, ამის განცდაც ინდივიდუალურია, თუმცა, მაინც მიმაჩნია, რომ ბედნიერება არის პატარ-პატარა სიხარულების ერთობლიობა. ბედნიერებაა, როდესაც შენს გარშემო თავს ყველა კარგად გრძნობს. სხვების ბედნიერების გარეშე მარტო ბედნიერი ვერასოდეს იქნები.

**ცხოვრების არც ერთ დღეს არ ჩაუვლია...**  
-შრომის გარეშე.

**თქვენი საყვარელი მწერალი...**  
-ვაჟა-ფშაველა.

**საყვარელი ნაწარმოები...**  
-პოემა „ბახტრიონი“ და „შვლის ნუკრის ნაამბობი“.

**ვერასოდეს ვიქნებოდი...**  
- თვითმფრინავის პილოტი ან კოსმონავტი.

**იმედგაცრუება...**  
-ადამიანმა იმედი არასოდეს უნდა დაკარგოს, რადგან ხშირ იმედგაცრუებას სხვა უიღბლობა მოჰყვება. უნდა გვახსოვდეს, რომ ცხოვრება მშვენიერია, ამიტომაც უნდა ვიცხოვროთ და ვიზაროვნოთ პოზიტიურად.

# საკრებულოს პირველი სხდომა გაიმართა

დედოფლისწყაროს მუნიციპალიტეტის ახლად არჩეული საკრებულოს პირველი სხდომა საოლქო საარჩევნო კომისიის თავმჯდომარემ, ნინო მჭედლიშვილმა გახსნა, რომელმაც დამსწრე საზოგადოებას 21 ოქტომბერს ჩატარებული თვითმმართველობის არჩევნების შედეგები გააცნო და სიტყვა საკრებულოს უხუცეს წევრს, ჯემალ კოტაშვილს გადასცა. მისასალმებელი სიტყვის შემდეგ საკრებულომ სამანდატო და ხმის დამთვლელი დროებითი კომისიები აირჩია. სამანდატო დროებითი კომისიას გადაეცა საოლქო საარჩევნო კომისიის მიერ მოწოდებული არჩევნების შედეგების ამსახველი დოკუმენტაცია. კომისიამ შეისწავლა წარმოდგენილი დოკუმენტაცია და საკრებულოს შესაბამისი დასკვნა გააცნო. კერძოდ, 21 ოქტომბრის თვითმმართველობის არჩევნების შედეგად დედოფლისწყაროს მუნიციპალიტეტის 2017 წლის მოწვევის საკრებულოში 28 წევრია. აქედან, 13 წევრი მაჟორიტარული წესით, 15 კი პროპორციული სიით არჩეული. 28 წევრიდან მზგ „ქართულ ოცნებას“ 21 წარმომადგენელი ჰყავს, ნაციონალურ მოძრაობას - 3, „ევროპულ საქართველოს“ და „პატრიოტთა ალიანსს“ კი 2-2 წარმომადგენელი.

საკრებულოს წევრებმა ამ დასკვნის საფუძველზე ახლადარჩეული საკრებულოს წევრების უფლებამოსილება სცნეს. ამ დროიდან უფლებამოსილება შეუწყდათ დედოფლისწყაროს მუნიციპალიტეტის 2014 წლის მოწვევის საკრებულოს წევრებს.

სხდომის თავმჯდომარემ საკრებულოს წევრებს სთხოვა, რომ დაესახელებინათ საკრებულოს თავმჯდომარის კანდიდატურა. საკრებულოს წევრები თავმჯდომარის კანდიდატურის დასახელებაში ერთსულოვანი აღმოჩნდნენ - ყველამ ნუგზარ პაპიაშვილის კანდიდატურა წარადგინა. წარმოდგენილი კანდიდატურა ფარული კენჭისყრის შედეგად, ხმათა უმრავლესობით იქნა არჩეული. ასევე, ხმათა უმრავლესობა მოიპოვა საკრებულოს თავმჯდომარის მოადგილის კანდიდატურამაც. აღნიშნულ პოსტზე გოჩა სამუკაშვილის კანდიდატურა საკრებულოს ახლადარჩეულმა თავმჯდომარემ, ნუგზარ პაპიაშვილმა დაასახელა.

სხდომაზე დღის წესრიგით გათვალისწინებული იყო მუდმივმოქმედი კომისიების თავმჯდომარეების არჩევა და ბიუროს შექმნა.

საკრებულოს წევრებმა ფარული კენჭისყრით იურიდიულ საკითხთა კომისიის თავმჯდომარედ გიორგი გოგილაშვილი აირჩიეს, საფინანსო-საბიუჯეტო კომისიის თავმჯდომარედ - ჯემალ კოტაშვილი, სოციალური, კულტურის, განათლებისა და ახალგაზრდულ საკითხთა კომისიის თავმჯდომარედ - მიხეილ ბახუტაშვილი, ეკონომიკისა და ქონების მართვის საკითხთა კომისიის თავმჯდომარედ - გივი გიგაური, ხოლო სივრცითი-ტერიტორიული დაგეგმარების, ინფრასტრუქტურისა და ბუნებრივი რესურსების კომისიის თავმჯდომარედ - ნიკოლოზ ხუციშვილი.



ბის, ინფრასტრუქტურისა და ბუნებრივი რესურსების კომისიის თავმჯდომარედ - ნიკოლოზ ხუციშვილი.

ოპოზიციური პარტიების წარმომადგენლებს კენჭისყრებში მონაწილეობა არ მიუღიათ.

იმ დღესვე საკრებულოში ორი ფრაქცია -, ქართული ოცნება-დემოკრატიული საქართველო“ (თავმჯდომარე დავით ალუღიშვილი) და ფრაქცია „ ერთიანი

ნაციონალური მოძრაობა“ (თავმჯდომარე ლევან ბალაშვილი) ჩამოყალიბდა.

სხდომის დასარულს შეიქმნა საკრებულოს ბიურო შემდეგი შემადგენლობით: ნუგზარ პაპიაშვილი, გოჩა სამუკაშვილი, გიორგი გოგილაშვილი, ჯემალ კოტაშვილი, მიხეილ ბახუტაშვილი, გივი გიგაური, ნიკოლოზ ხუციშვილი, დავით ალუღიშვილი და ლევან ბალაშვილი.

## „ყულაბა“ ღირსეული სიბერისთვის...

2018 წლის მესამე კვარტილიდან კერძო დაგროვებითი საპენსიო სისტემა ამოქმედდება. საპენსიო რეფორმის განხორციელება ერთდროულად დაიწყება როგორც საჯარო, ისე კერძო სექტორში.

ჩვენ ორი კვირის წინ გაგაცანით ამ კანონპროექტის ძირითადი სქემა, ახლა ვეცდებით, ჩვენი საზოგადოების წინაშე განწყობას ვადვენოთ თვალი და მათი მოსაზრებები გაგიზიაროთ. როგორ მოსწონთ მათ ეს რეფორმა და რამდენად არის დღეს ჩვენი მოსახლეობა მზად ამ ცვლილებებისთვის, კითხვებზე სხვადასხვა პროფესიის ადამიანები გვპასუხობენ.

ქაბ გონაშვილი, ნევროლოგი-მე, როგორც რიგითი მოქალაქე, მივესალმები ყველა იმ რეფორმას, რომელიც უზრუნველყოფს ხალხის სოციალური მდგომარეობის გაუმჯობესებას. ვთლი, რომ რეფორმას აქვს დადებითი და უარყოფითი მხარე.


ვებით ანაბარს.

რუსუდან ნადირაშვილი, ინგლისური ენის მასწავლებელი-ამ რეფორმამ მსოფლიოს ბევრ ქვეყანაში გაამართლა, ეს იმიტომ, რომ ხელფასები იყო მაღალი და ამ ფონდის მართვა სწორი გზით განხორციელდა, მაგრამ საქართველოში მსგავსი ტიპის ფონდის მართვის გამოცდილება საერთოდ არ გვაქვს, ამიტომ რისკები ძალიან მაღალია და მით უფრო, როდესაც ჩვენი ეკონომიკა სუსტადაა განვითარებული და ამ ფონდში დაგროვილი თანხა პენსიებს ვერ მოხმარდება.

ასეთი სახით პენსიის მიღება ნამდვილად სასიამოვნო იქნებოდა პენსიონერებისათვის, თუმცა, ამ პენსიის მიღება იმდენი ფაქტორის გამართლებასთანაა დაკავშირებული, რომ მე ის მიუღწევლად მიმანია და, რაც მთავარია, არ უნდა დაგვაიწყდეს, რომ ჩვენ ყურადღება არა მხოლოდ თანხის მოცულობაზე, არამედ უფრო მეტად მის მსყიდველობით უნარზე უნდა გადავიტანოთ, 30 წლის შემდეგ ამ თანხას შეიძლება ჩალის ფასი ჰქონდეს.

სოციალური ფონია ქვეყანაში შექმნილი, იძულებითი წესით არ უნდა ხდებოდეს თანხის ჩამოჭრა და სადღაც შენახვა. ასეთი მაგალითი ქართველ ხალხს კარგად ახსოვს კომუნისტების დამლის პროცესში, როდესაც არარეალური დაპირებების შედეგად ხალხის უმეტეს ნაწილს ფული შეატანინეს ბანკებში და შემდეგ გააქრეს. სახელმწიფოს, რომელსაც არც თუ ისე სახარბიელო ეკონომიკური მდგომარეობა აქვს და მისი საგარეო ვალი წლიდან წლამდე იზრდება, ვერ მოგეცემს მყარ გარანტიებს, რომ საპენსიო ასაკის მიღწევისთანავე შეძლებს ამ დაგროვებული თანხის უკან დაბრუნებას.

ლაშა ალუღიშვილი, პოლიტოლოგი - დროულია თუ არა? ჩემი აზრით, დაგვიანებულიც კია ეს რეფორმა, რადგან, რამოდენიმე წლით ადრე რომ დაგვეწყობა, დღეს უკვე გვექნებოდა ამ რეფორმის რეალური ხელშეწყობის შედეგები. საზოგადოება ყველა სახელმწიფოსთვის სასარგებლო რეფორმისათვის მზადაა ნებისმიერ ეტაპზე, რადგან თავის თავზე იგრძნობს ამ რეფორმის სიკეთეს. ეს დადებითად აისახება ქვეყნის ეკონომიკაზეც, რადგან მას გაუჩნდება დამატებითი რესურსი სხვადასხვა ინფრასტრუქტურული და სოციალური პროექტებისთვის. სახელმწიფო ჩვენი ხელფასიდან სესხულობს რაღაც წილს, რომელსაც იყენებს სხვა და სხვა პროექტებისთვის და მას შემდეგ, რაც მივალნენ საპენსიო ასაკს, აბრუნებს პროცენტებით.



(დასაბეგრი ოდენობა) 6%-ის ყოველთვიურად საპენსიო სააგენტოში დაგროვებას. ამ 6%-დან მხოლოდ 2 % იქნება თქვენ მიერ გაღებული.

ბუნებრივია, არსებობს ცუდი მესხიერება მოქალაქეების ტოტალურ დანაკარგებზე და ძალიან რთულია ამ ინსტიტუტის მიმართ ნდობის წარმოშობა, თუმცა, არ უნდა დაგვაიწყდეს, რომ აბსოლუტურად განსხვავებული რეალობებია და ის პერსპექტივა, რომელიც დღეს არის განსაზღვრული, სასებით გონივრული და შესაძლებელია.



მისაღებია უზრუნველი სიბერე და საპენსიო დანაზოგი, თუმცა, გათვალისწინებული უნდა იყოს სახელფასო შემოსავალი, ვინაიდან, მოსახლეობის მცირე ნაწილს აქვს მაღალ ანაზღაურებადი ხელფასი.

ჩვენ, ადამიანები, ყოველივე სიახლეს ცოტა მიშითაც ვუყურებთ. რთულია, განსაზღვრო, რა იქნება 30 წლის შემდეგ. ჩვენი ქვეყანა ჯერ ხომ განვითარების გზაზე დგას. ჯერ კიდევ კარგად გვახსოვს ასევე ჩვენი მშობლების დაკარგული ანაბრებიც. ამ ეტაპზე მე თავს ვიკავებ საპენსიო დანაზოგზე, თუმცა, მაინც უპირატესობას ვანიჭებ დაგრო-

ის ფაქტიც, რომ მოსახლეობას ჯერ კიდევ მწარედ ახსოვს დაკარგული ათასობით მანეთი, რომელსაც დანაზოგის სახით ბანკში ინახავდა და უკვალოდ გაქრა. მოსახლეობის უმეტესობას არ აქვს უმაღლესი განათლება და უჭირს სამსახურის შოვნა, ასეთმა ადამიანმა რა უნდა ქნას, როგორ უნდა დააგროვოს ფული სიბერის უზრუნველსაყოფად? საზოგადოება ამისთვის არაა მზად და ვფიქრობ, დიდ ვნებათაღელვას გამოიწვევს.

ლაშა ლაბარია, კრედიტ-ოფიცერი - დაგროვებითი პენსიის მიმართ სკეპტიკურად ვარ გამსჭვალული. როდესაც სახელმწიფო თითოეულ ჩვენგანს ისედაც 20%-ს გვაჭრის, დამატებით იძულებითი დაგროვებითი სისტემის შემოღება ჩემთვის მიუღებელია. ვისაც თანხის შენახვა და დაგროვება სურს, თითქმის ყველა ბანკი გვთავაზობს დაგროვებითი ანაბრის სერვისს და შესაბამისად, ყველა მოსურნეს შეუძლია ამ სერვისით სარგებლობა. მაშინ როდესაც, ასეთი მძიმე

სალომე ნატროშვილი, იურისტი, მრჩეველი-ამ კანონპროექტზე მსჯელობისას, ყველას უნდა გვახსოვდეს ის, რომ დაგროვებითი პენსიის ინსტიტუტის შემოღება არავითარ შემთხვევაში არ ნიშნავს სახელმწიფო პენსიის გაუქმებას ან შემცირებას. სახელმწიფო პენსია დარჩება, ხოლო დაგროვებითი საპენსიო სქემაში მონაწილეობა ნებაყოფლობითი იქნება 40 წლის შემთხვევაში ასაკის მქონე ადამიანებისთვის, ისევე, როგორც ნებისმიერი ასაკის თვითდასაქმებულისთვის, ე.ი. იმ ადამიანებისთვის, ვისაც შრომითი ურთიერთობის გარეშე აქვს შემოსავალი.

როგორც იცით, დაგროვებითი პენსიაში შემდგენილია აკუმულირება თანხები: 2% (თავად დასაქმებულის დასაბეგრი შემოსავლის ოდენობას) +2% (დამსაქმებლის მიერ) +2% (სახელმწიფოს მონაწილეობა, რაც ნიშნავს თქვენი ხელფასის

# კულტურაში იბადება, იზრდება და მადლდება სიყვარული...



დღეს სერიოზული პრობლემის წინაშე დგას ქართული სოფელი - ის დაცვის პირსა... მიგრაცია ამ საუბრის ჩირი, რომლის შეჩერებაც წარმოუდგენელია. ზოგიერთი ადამიანი მიდის ქალაქსა თუ უცხოეთში, რათა განათლება მიიღოს და ისე დაუბრუნდეს მშობლიურ ქვეყანას თუ კუთხეს, მაგრამ არიან ისეთებიც, რომელთაც სოფლად ცხოვრება არაპრესტიჟულოვასთან ასოცირდება...

ბავრი ახალგაზრდა მიდის დიდ ქალაქში და ამ ინტეგრაციის სურვილით ივიწყებს იმ გარემოს, სადაც დაიბადა და გაიზარდა, ცდილობს, „სოფელს“ დაემალოს და „ქალაქში“ გახდეს... სოლომონი ერთ-ერთი ღირსეული შვილია, რომელიც არ მორიდდება იმ უბრალოების, იმ სისადავის შეუნიღბავად საზოგადოებაში მიტანას, რომელი წინააღმდეგობა იბრუნებდა. მან კიდევ ერთხელ დააბრუნა, რომ სწორედ ამ უბრალოებაში ყველაზე დიდი სიმდიდრეა.

სულ ცოტა ხნის წინ მან დოკუმენტური კინოფილმი გადაიღო დაცული სოფლებზე. თუ არა ტკივილი ამ საკითხისადმი, ამ ყველაფრის ხედვა არც იარსებებდა და იღვას არ გაჩნდებოდა. სოლომონი არის მომღერალი, ხალკოვანი, მაგრამ სტიქია და აწუხებს ქვეყნის სოფლების, მათი ფუძე-კერძი გად-იღვას, ამ სოფლების სვალნიდელი დღე. სოლომონ გოგაშვილი თბილისი საქმით ამტკიცებს, რომ ის ქვეყნის ღირსეული შვილია, რომ წუთისწოდის სტიქიაში არასოდეს უნდა მოგვარიდოს იმ წინაღობა და სადაც გავიზარდეთ და შვილის სწავლის მამა-პაპის ტრადიციები.

-სოლომონ, საზოგადოება გიცნობთ, იცნავენ თქვენი მუსიკალური მოღვაწეობის შესახებ, ამავდროულად ისიც, რომ ძალიან დიდი პატივით ხართ, თუმცა, ცოტა თუ იცის, თქვენი ზუსტი ავტობიოგრაფიის და პროფესიის შესახებ, მოდი დავიწყეთ ამაზე საუბარი.

-დავებოდე სოფელ არბოშიკში, 1978 წლის 20 ნოემბერს. ბაბა-ბალიდან საშუალო სკოლის დამთავრებამდე არბოშიკში ვსწავლობდი. სკოლის პერიოდში მქონდა 6 თვიანი პაუზა. 1993 წელს მე-9 კლასიდან გამოვედი და ჩავაბარე საქართველოს სამხედრო აკადემიის კადეტთა კორპუსში, სადაც მზადდებოდნენ მომავალი სამხედრო ატაშეები. თუმცა, იმ პერიოდში არსებული თბილისის სამოქალაქო და აფხაზეთის ომის გამო, არ მოგვეცა სრული განათლების საშუალება (გაჩერდა სასწავლო კურსი) და დაფურუნდი არბოშიკის სკოლას. 1997 წელს ჩავაბარე თბილისის ივანე ჯავახიშვილის სახელობის სახელმწიფო უნივერსიტეტის გეოგრაფია-გეოლოგიის ფაკულტეტზე, ფიზიკური გეოგრაფიისა და გარემოს დაცვის სპეციალობით. 2001 წელს სწავლა გავაგრძელე თსუ ისტორიის ფაკულტეტზე, დემოგრაფიის

სპეციალობით. 2003 წელს ჩავაბარე საქართველოს მეცნიერებათა აკადემიის დემოგრაფიისა და სოციოლოგიური კვლევის ინსტიტუტში, ისტორიული დემოგრაფიის სპეციალობით. 2006 წელს სასურველი სადოქტორო თემა არ დამიმტკიცდა. მეცნიერთა 30 % თვლიდა, რომ არ ჰასუხობდა სტატისტიკური დემოგრაფიის კითხვებს. მეც ქიზიყური სიჯიუტით არ დავთანხმდი მათ მიერ შემოთავაზებულ თემას და განაწყენებული გავეშურე ლატვიაში საცხოვრებლად (აუცილებლად დავიცავ სადოქტოროს სასურველ თემაზე).

-რა გახსენდებათ ყველაზე ხშირად ბავშვობის მოგონებებიდან? -პაპა და ბებია მახსენდება ყველაზე მეტად. პაპის გაზრდილი ვარ და გადამეტებულად მიყვარდა. 1866 წელს აშენებულ სახლში გავიზარდი. ყველა და ყველაფერი ტკბილი იყო იქ. ერთი დიდი ფილმის სცენარი გამოვა, იმდენი გასახსენებელი მაქვს.

-დღეს ვინ არის სოლომონ გოგაშვილი და რას საქმიანობს?

-დღეს ჩვეულებრივი გლეხი ვარ, რომელიც მცირე მინას და ვენახს ამუშავებს. ხანდახან კონცერტებიც მაქვს თბილისში, საქართველოს რეგიონებსა და მსოფლიოს სხვადასხვა ქვეყანაში. ცვდილობ, არ გავეთიშო მუსიკას, რაც ძალიან, ძალიან რთულია!

-თქვენ და არბოშიკი, მე თქვენს ფოტოებში ხშირად ვხედავ ვენახს, ფოტოებზე დანყოფილ ხილს და პურ-ღვინოს. აშკარაა, რომ ეს ყველაფერი თქვენს სულთან ძალიან ახლოსაა და ძალიან ძვირფასია, ასევე, როგორ გიყვართ არბოშიკი.

-ზემოთ აღვნიშნე პაპასა და ბებიაზე, რომ მათ ხელში გავიზარდი. გარდამავალი თაობა აღმოვჩნდი ჩვენი თაობა. როგორც ღრმად მოხუცებულ ადამიანს, ისე ვუყურებ და ველოლოავები სოფელს, ხალხს, მამა-პაპის ადგილებს, რადგან ვიცი, რომ ის შეიძლება სულ მალე წავიდეს და უბრალოდ ვეღარ ვნახო, ან იმ სახით აღარ იარსებოს, როგორც იყო და როგორც გვიყვარდა. მეცნიერულ-ტექნიკურმა პროგრესმა სამყარო შეცვალა და ჩვენი არბოშიკიც შეიცვალა. ყველაზე ბედნიერი ჩემი სახლის ივანე ვარ, საიდანაც მთელი სოფელი მოჩანს.

-ქართული ანდაზაა „თუ ბედი მწყალობს, არ ვნაღვლობ ბატონის ჩემის წყრომასა“ ... თქვენთან როგორაა ეს საკითხი? თქვენი ცხოვრებიდან აშკარად ჩანს, რომ მხოლოდ თქვენი წყალობით არ ხართ კმაყოფილი და თქვენთვის უმთავრესი მთელი სოფლის ბედ-იღბალზე ზრუნავთ. ამაზე მეტყველებს თქვენს მიერ გადაღებული კინოფილმი დაცული სახლების შესახებ. მოგვიყვით ამაზე, როგორ გაჩნდა იდეა?

-ალაღად გეტყვით, არ მაქვს პატარა დიაპაზონი იმისთვის, რომ მუდმივად ვიცხოვრო თბილისში, ან თუნდაც მსოფლიოს სხვა ქვეყნებში (სადაც უამრავი სამეგობრო მყავს). გაცილებით ადვილია 2-3 ოთახიანი ბინაში გამოკეტვა, ცოლ-ქმრის ხელფასით სახლის გათბობა და გაურკვეველი საკვები პროდუქტების მოტანა სახლში. მე ვთვლი, რომ ჩვენი ქვეყანა და მისი კულტურა არის საქართველოს ულამაზეს რეგიონებზე დაყრდნობილი, რეგიონებში ყოფით ცხოვრებაში ჩამოყალიბებულ კულტურასა და ადამიანურ ურთიერთობებზე. თბილისის მსოფლიოს ერთერთი უძველესი და ულამაზესი ქალაქია თავისი დიდი ხიბლით, მაგრამ ჩვენი სოფლები განუმეორებელია ჩვენი ქვეყნისთვის. სწორედ ამ სოფლებ-

ში წარმოიშვა ქართული სიმღერა და ცეკვა, რომელსაც ანალოგი არ ჰყავს დედამიწაზე და რომლითაც ასე ვამაყობ. ვიცი, რომ XXI საუკუნეში თითქმის შეუძლებელია მიგრაციის შეჩერება, სოფლების დაცლა და ხალხის გადინება დიდ ქალაქებში. ხალხს მეტი გართობა, ფისკალური შედეგები და ნახალისება სჭირდება სოფლებში დასარჩენად. მარტივად შესაძლებელია ამის განხორციელება. გული მიკვდება, როცა ვხედავ, ჩვენს ორბოშიკში სულ რამოდენიმე კაცია დარჩენილი, უამრავი დანგრეული და დაკეტული სახლია.

-როგორ მოხდა დავით აღმაშენებლის ეპოქის გადაღება და მისი გადმოტანა ეკრანზე და თქვენი როლი ამ კლიპში თუ შეიძლება, გვიამბეთ ამის შესახებ.

-2007 წელს პირველად მომიწია მიზანტენის თამაში გიორგი კალანდიას ფილმში — „ქართველი მამულეები“. ერთ-ერთი მამულეი განვასახიერე მაშინ. სცენაზე შემამჩნია და მთხოვა, მიმელო მონაწილეობა. ძირითადად ასე ხდება ეკრანზე მოხვედრა. კინო და მუსიკა განუყოფელია. გერმანიაში მოღვაწე ქართველმა რეჟისორმა, მაია ფალავანდიშვილმა გადაიღო ფილმი — „სულისპირ“, რომელიც ასახავს ანსამბლ „ჩვენებურების“ მოღვაწეობას ევროპის ქვეყნებში. კამერა და კინო არაა უცხო ჩვენთვის.

-მუსიკალური კლიპი, რომელშიც მსოფლიო ფოლკლორისტიები არიან



ქართული, მინდა გითხრათ, შედეგია. ძალიან ძლიერი მუსიკის მატარებელი კლიპია და ხშირად ვუსმენ, გთხოვთ, მოგვიყვით ამაზე.

-მადლობა მინდა გითხრათ ჩვენი კლიპის მაღალი შეფასებისთვის. ეს სიმღერა — „წუთისოფელი“ გავაკეთეთ 2011 წელს. მას შემდეგ დიდი სურვილი მქონდა, რომ მაღალ დონეზე შესრულებულიყო ეს მელოდია. რაც შეეხება უცხოელ მონაწილეებს, 10-11 წლიანი მეგობრობა გვაკავშირებს მათთან და გვიწოდდა, ეს მეგობრობა შემოქმედებითიც გამხდარიყო. დიდი მადლობა მინდა ვუთხრა ლევან მიქელაძეს, რომელმაც უმადლესი დონის არაფორმა გააკეთა. ასევე დიდი სურვილი მქონდა, მონაწილეობა მიეღოთ ოზურგეთის ფოლკლორულ ანსამბლ — „იადონის“ უხუცეს წევრებს, მოსე სვანიძეს და ბიძინა მუყაისს, რომლებიც ფესტივალი „არტ გენიდან“ მეგობრობენ ჩვენთან, უკვე 14 წელია.

-კიდევ რა ფილმებში ხართ გადაღებული და რა ჯილდოებს ფლობთ?

-ანსაბლი „ჩვენებურები“ გადაღებულია ავთო ვარსიმაშვილის ფილმებში — „ისპაჰანი ბათუმი“ და „მიდი ძმაო, მიდი“. დაჯილდოებული ვარ უზბეკეთის ქალაქ სამარყანდის ფესტივალით „შარქტარონალარი“ (აღმოსავლეთის მელოდიები), მესამე

საპატიო ადგილი 56 ქვეყანას შორის.

-თქვენ და ქართული პურ-მარილი, ეს ძალიან ახლო თემებია, რას ნიშნავს თქვენი პურ-ღვინო არბოშიკში და რა მუსხტად აძლევს ის სოლომონ გოგაშვილს?

-თუ განსაკუთრებულად ახლობელი არ მეპატიჟება, რესტორანში სხვა შემთხვევაში არ დავდივარ. ჩემთვის სუფრა ნატურალურთან ასოცირდება, როგორც პურ-მარილთან, ასევე ხალხთან და ღვინოსთან. ჩემი მეგობრების 100 % ასევე მამაჩემის მეგობარი იყო. მამაჩემი გაცილებით ლამაზი, თამამი და გახსნილი იყო ჩემზე. ჩემს გარეშე ხშირად ჩადიდებდნენ მამასთან საქეიფოდ. ჩემთვის არბოშიკი და გაშლილი სუფრა იბიძვა, რაც ტურიზმი, იუვენტუსის სტადიონზე ასპარეზობა! (იციან) ეს არის ანესთეზია სულის, ხორცის და ცხოვრების. არ მიყვარს დიდი სუფრა. მაქსიმუმ 7 კაცი უნდა იჯდეს და ბანიცდიდეს. კარგია სუფრის ათვისება, როცა იქ სიყვარული, სიმღერა, ხუმრობა და სილაღლე სუფევს. ზოგადად, ხშირად და ბევრს არ ვსვამ. შემიძლია 5 ჭიქითაც ვიქეიფო და 3 ლიტრითაც. გააჩნია განწყობას და გარემოს. ძალიან სახიფათოდ მეჩვენება ადამიანი, რომელიც საერთოდ არ სვამს. როგორც მინიმუმ, კაცს ქალი, ღვინო, ფეხბურთი და თავისი თავი მაინც უნდა უყვარდეს.

-შემოქმედი როგორ უნდა დაფასდეს სათანადოდ, რომ იგი ფიროსმანივით კიბის ქვეშ არ გარდაიცვალოს?

-შემოქმედი და, ზოგადად, ადამიანი, პირველ რიგში საკუთარ თავს უნდა აფასებდეს და მერე სხვანაც დაფასდება. ფიროსმანი ჩემთვის უდიდესი თემაა (ჩემი დიდი ბებია ჰყავს დახატული — „სონა უკრავეს გარმონს“).

დედაჩემის ბებია იყო ტიბაანიდან, სონა გურამივილი). ნიკალა ძალიან გახსნილი და მსოფლიო დონის პიროვნება იყო. მას კავშირები ჰქონდა ევროპულ მხატვრებთან და ერკვეოდა მსოფლიო კულტურაში. ასე გლეხურად და ჩაკეტილად არ გამოიყურებოდა, როგორც ეს ისტორიამ მოგვანოა ჩვენ. უბრალოდ ეპოქის მსხვერპლი გახდა, როგორც იმ პერიოდის უამრავი მოღვაწე.

იმისათვის, რომ შემოქმედება და შემოქმედები დაფასდნენ, საჭირო არის მეტი ღონისძიების და ფესტივალის ორგანიზება. ბავშვებმა უნდა ნახონ ცოცხალი ბენდები, ნამდვილი ბენდები. ადამიანი არაა ბანდის მხოლოდ შრომისა და გუნდობის მოთხოვნილება. ადამიანი საჭიროებს შიშვენიერებას ცხოვრებას. ნებისმიერი მატარიალური მდგომარეობის მიუხედავად, მაინც საჭიროა კულტურული ცხოვრება. კულტურაში იბადება, იზრდება და მადლდება სიყვარული. ქიზიყი არის - სანდრო ინაშვილის, ვანო სარაჯიშვილის, ნიკო ფიროსმანაშვილის, ავლიპ ზურაბაშვილის, ალექსანდრე ალადაშვილის და ასეულობით გენიოსის სამშობლო. ქიზიყური ხუმრობაც დიდი შემოქმედებაა. მეტი მუსიკა, ხატვა და სწავლა და ყველაფერი კარგად იქნება...

-ოჯახზე რას გვეტყვით, ვინ ხართ და რამდენი ოჯახში?

-ოჯახში ვცხოვრობთ, მე, დედა, უფროსი და - მელანო, უმცროსი და - ხათუნა, ჩემი მეუღლე - დარია კოვალჩუკი, ვაჟი - 4 წლის ილია და 11 თვის გოგონა - ლირა.

-როგორც შემოქმედს, მინდა გისურვოთ მუდმივად მოთხოვნიდი ყოფილიყოს თქვენი შემოქმედება, მუდმივად სმენადი და დაფასებული. წარმატებები.

ლალი მხრისიძე

# მიტროპოლიტი შიო - მოსაყდრე და მომავალი ჰატრია რქი?



საქართველოს კათოლიკოს-პატრიარქმა ილია მეორემ საპატრიარქო ტახტის მოსაყდრედ დაადგინა სენაკისა და ჩხოროწყუს მიტროპოლიტი, შიო მუჯირი, რომელიც, საქართველოს ავტოკეფალიური მართლმადიდებელი ეკლესიის მართვა-გამგეობის დებულების მიხედვით, კათოლიკოს-პატრიარქის გარდაცვალების, გადადგომის ან სხვა ისეთი მიზეზის გამო, რომელიც შეუძლებელს ხდის კათოლიკოს-პატრიარქისათვის თავისი მოვალეობების შესრულებას, მართავს ეკლესიას ახალი კათოლიკოს-პატრიარქის არჩე-

ვამდე. საქართველოს კათოლიკოს-პატრიარქმა 23 ნოემბერს დაწერილი ბრძანება მრევლს ქაშუეთის ტაძარში გიორგობის დღესასწაულსადმი მიძღვნილი წირვის დაწყებამდე წაუკითხა:

„სახელითა მამისათა და ძისათა და სულისა წმინდისათა ამინ! სრულიად საქართველოს კათოლიკოს-პატრიარქის მოსაყდრედ დადგენილია მიტროპოლიტი, მაღალყოვლადუსამღვდელოესობა, სენაკისა და ჩხოროწყუს მიტროპოლიტი შიო მუჯირი. ილია II, სრულიად საქართველოს კათოლიკოს-პა-

ტრიარქი. ახსიოს!“  
საპატრიარქოს ვებსაიტზე გამოქვეყნებული ბიოგრაფიის მიხედვით, მიტროპოლიტი შიო - ერისკაცობაში ელიზბარ თეიმურაზის ძე მუჯირი - დაიბადა 1969 წლის 1 თებერვალს თბილისში. 53-ე საშუალო სკოლის დამთავრების შემდეგ სწავლა გააგრძელა თბილისის სახელმწიფო კონსერვატორიაში ვიოლონჩლოს კლასში. 1991 წელს ელიზბარ მუჯირი მორჩილად დაემკვიდრა შიომღვიმის მონასტერში. 1993 წლის 5 თებერვალს მორჩილი ელიზბარი აღკვეცეს ბერად და უწოდეს სახელად შიო. 1998 წელს დაამთავრა ბათუმის იოანე ღვთისმეტყველის სახელობის სასულიერო სემინარია და სწავლა მოსკოვის სასულიერო აკადემიის დაუსწრებელ განყოფილებაზე გააგრძელა. სხვადასხვა დროს იყო ილია წინასწარმეტყველის ტაძრის წინამძღვარი, თბილისის ანჩისხატის ტაძრის ღვთისმსახური, ნარიყალას წმიდა ნიკოლოზის სახელობის ტაძრის წინამძღვარი. 2001 წლის ოქტომბრიდან შიო მუჯირი მოსკოვის ქართველთა სათვისტომოს წმიდა გიორგის სახელობის ტაძრის წინამძღვარია, პარალელურად სწავლობს მოსკოვის წმიდა ტიხონის საღვთისმეტყველო ინსტიტუტში.

2003 წლის 18 აგვისტოს საქართველოს მართლმადიდებელი ეკლესიის წმიდა სინოდმა ილუმენი შიო გამოარჩია ახლად შექმნილი სენაკისა და ჩხოროწყუს ეპარქიის წინამძღოლად. კათოლიკოს-პატრიარქის გადაწყვეტილების პასუხად მიტროპოლიტმა შიო მუჯირმა განაცხადა, რომ მოულოდნელი იყო საპატრიარქო ტახტის მოსაყდრედ მისი დასახელება და რომ თავი მიაჩნია უღირსად მსახურებისთვის:  
„ძალიან ველავ. ერთის მხრივ, ძალიან დიდი სიხარულია, რომ მისმა უწმინდესობამ ასეთი დიდი პატივი მარგუნა წილად, მეორეს მხრივ, ძალიან ველავ, რადგან ეს უდიდესი ჯვარია და იმედი მაქვს ღვთის მადლის შეწვევის, წმინდა გიორგის მფარველობის და მისი უწმინდესობის მამობრივი ზრუნვის“.  
მიტროპოლიტმა შიო მუჯირმა ისიც თქვა, რომ შექმნილია განსაკუთრებული ვითარება, რადგანაც ვერ იხსენებს შემთხვევას, საქართველოს კათოლიკოს-პატრიარქს დაესახელებინოს საპატრიარქო ტახტის მოსაყდრე. თეოლოგ ლევან აბაშიძის თქმითაც, როგორც წესი, მოსაყდრის ვინაობა ცნობილი ხდება პატრიარქის ანდერძიდან.  
„ცოცხალი პატრიარქის შე-

მთხვევაში თანამოსაყდრე ნიშნავს იმას, რომ მასთან ერთად მიიღებს მართვაში მონაწილეობას. თუ ისე გამოვიდა, რომ პატრიარქი ადრე გარდაიცვალა, ვიდრე მისი თანამოსაყდრე, 40 დღის განმავლობაში ეს თანამოსაყდრე აღასრულებს პატრიარქის მოვალეობებს დროებით და ცხადია, რომ იქნება პატრიარქობის მთავარი კანდიდატი. ფორმალურად არ ნიშნავს იმას, რომ გახდება პატრიარქი, მაგრამ არაფორმალურად შეიძლება იმაზე მიაწინებდეს, რომ არის რეალური კანდიდატი“, უთხრა ლევან აბაშიძემ რადიო თავისუფლებას.  
თუმცა საბოლოოდ გადაწყვეტილებას იღებს წმინდა სინოდი, რომელიც არჩევს სამკანდიდატს, და საქართველოს ეკლესიის გაფართოებული კრება, რომელზედაც მოხდება სრულიად საქართველოს კათოლიკოს-პატრიარქის არჩევა. გაფართოებულ კრებას კი იწვევს მოსაყდრე საპატრიარქო ტახტის დაქვრივებიდან 40 დღის შემდეგ, მაგრამ არა უგვიანეს ორი თვისა. საქართველოს კათოლიკოს-პატრიარქად არჩეულად ჩაითვლება ის კანდიდატი, რომელიც მიიღებს კრების მონაწილე მღვდელმთავართა ხმების ნახევარზე მეტს.

## ტრიესტეში ქართველმა და იტალიელმა ქალებმა გიორგობა აღნიშნეს

იტალიაში, კერძოდ ტრიესტეში მცხოვრებმა და მოღვაწე ქართველებმა გიორგობის ბრწყინვალე დღესასწაული განსაკუთრებულად აღნიშნეს. როზმინის მოედანზე არის მაღალი, მრავალღარბა ზეგბანი ეკლესია („მადონა დელ მარე“), რომლის მესვეურთა დახმარებით ქართველ და იტალიელ მანდილოსნებს მიეცათ საშუალება, შეკრებილიყვნენ ერთ-ერთ პატარა დარბაზში და აღენიშნათ წმინდა გიორგის ხსენების დღე. ამასთანავე ეს გახლდათ კულტურული შეხვედრა. შეკრების მიზანი გახლდათ, გაეღრმავებინათ კარგი ურთიერთობა ქართველ და ტრიესტეს მკვიდრ ქალებს. ეს გახლდათ ორი ქვეყნის ქალბატონების კეთილი ნება, ააშენონ და გაამყარონ კულტურული ურთიერთობის კედელი, რაც ქართველებსა და იტალიელებს შორის შეიძლება არსებობდეს. ღონისძიებას ორგანიზატორება ჩვენი თანამემამულე, პოეტი მარინე ჭუმბურიძე. არაჩვეულებრივი ქართველი ქალბატონი, რომელიც გამუდმებით იბრძვის ქართული და იტალიური ტრადიციების ხაზგასმისა და შენარჩუნებისათვის. შეხვედრის მთავარი გზავნილიც ეს გახლდათ, ქართველების მიერ ტრიესტელებისთვის სამშობლოს ისტორიის, ტრადიციების, კულტურის, სამხარეულოს გაცნობა, რომელიც ქალბატონი მარინა ჭუმბურიძის წყალობით პოეზიით და სიმღერებით გაჯერდა....  
„მიხარია, რომ დღევანდელმა დღემ ლამაზად ჩაია-

რა. თანამემამულე ემიგრანტ ქალბატონებს ვაჩუქე ორიოდე ლამაზი საათი, რაც არც თუ ისე ხშირია ჩვენს ემიგრანტულ ცხოვრებაში. შედეგმა მოლოდინს გადააჭარბა. ჩვენი მასპინძლები დიდი ინტერესით ისმენდნენ ჩვენი ქვეყნის გმირულ წარსულს და თითოეული მათგანი გამოხატავდა სურვილს ამ „პატარა სამოთხის“ ხილვისა. ვესაუბრეთ წმინდა გიორგის ღვანლსა და ცხოვრებაზე, რასაც მოვაცილეთ ქრისტიანობისთვის შეწირულთა ისტორიები... მათ პირველად იხილეს ჩვენი ლამაზი დამწერლობა და მოისმინეს ჩვენს მიერ სახელდახელოდ, ურეპეტიციოდ შესრულებული სიმღერები. დააგემოვნეს და აღფრთოვანდნენ ქართული სამზარეულოს ნიმუშებით“- აღნიშნა მარინა ჭუმბურიძემ

ჩვენთან საუბარში...  
„მე მინახავს ქართული ცეკვები და შემიძლია ხმამაღლა ვთქვა, რომ ისეთი ცეკვა, როგორც თქვენი ეროვნული ცეკვაა, სხვას არ შეუძლია, თქვენ ეს სისხლში გაქვთ და ბედნიერი ვარ, რომ ვნახე. მე ვიცო თქვენი სამუშაო რეჟიმიც. თქვენ გმირობის ტოლფას ღვანლს ენევი და მადლობა ამ თბილი დამოკიდებულებისთვის, რასაც მთელი პასუხისმგებლობით აკეთებთ“- აღნიშნა ემიგრანტი ქართველი ქალბატონმა ტერეზამ, რის შემდეგაც თითოეულ მათგანს სიამაყის ცრემლი მოადგა თვალზე.  
„ღონისძიებას ესწრებოდა სააგენტო „ძმები გალასების“ წარმომადგენელი, რომელმაც დამსწრე საზოგადოებას გაცნობა ჩვენი საქმისადმი ერთგუ-



ლი და თავდაუზოგავი შრომის შესახებ. მან აღნიშნა, რომ სააგენტო ძალზე კმაყოფილია და ბედნიერი, რომ აქვთ კონტაქტი ადამიანებთან, რომლებსაც ქართველები ჰქვიათ. ჩვენც ჩვენი მხრივ მადლობა მოუხადეთ სააგენტოს ჩვენი ნდობისათვის და აღვუთქვით, რომ ჩვეული რუდუნებით განვაგრძობთ ჩვენს მეტად რთულ, საპატიო და საპასუხისმგებლო საქმიანობას. ღონისძიებას 25-იოდე ადამიანი ესწრებოდა, მაგრამ მე და ჩემი მეგობრები კმაყოფილებით საცხენი დავრჩით, რომ ტრიესტემ, სადაც წლებია ვმუშაობთ და ვცხოვრობთ, უფრო ახლოს გავვიცნო „პატარა სამოთხის“- საქართველოს მანდილოსნები, რომლებიც მათ მოხუცებს საკუთარი მშობლებივით, გნებავთ, ჩვილი ბავშვებივით, დაფოფინებთ. მასპინძლებიდან მივიღეთ რამოდენიმე მიწვევა საქმიანი შეხვედრებზე. მიხარია, რომ დღეს, წმინდა გიორგის ხსე-

ნების დღეს, ქართველმა მანდილოსნებმა ერთი ლამაზი დღე ვაჩუქეთ ერთმანეთს. „ქართველების ერთად ყოფნა და გვილოცა ღმერთმა“. ამისთვის მინდა უღრმესი მადლობა ვუთხარო საჯაროდ მზია ხაჩიურძეს, გურანდა თავართქილაძეს, ქეთი ყიზილაშვილს, ნელი ხუციაძეს...  
მანდილოსნებს, რომელთათვისაც დროს ოქროს ფასი აქვს და მაინც მოახერხეს მოსულიყვნენ, თუნდ მონფალკონედან (ტრიესტეს გარეთ), რომ სანთელი დაგვენთო და წმინდა გიორგისთვის შეგვევედრებინა ჩვენი ხალხი და ჩვენი ქვეყანა. შორეული ქვეყნიდან მოვიკითხავ ჩემს ქართველ ხალხს, ბედნიერი შობა-ახალი წელი მისურვებია თითოეულისთვის! მიყვარხართ და ვამაყობ ქართველობით!“-აღნიშნა ჩვენთან საუბარში შეხვედრის ორგანიზატორმა, პოეტმა მარინა ჭუმბურიძემ.





# ფიროსმანი-ჩვენი სავიზიტო ბარათი

ნიკო ფიროსმანაშვილი, ეს ის გენიოსია, ვინც ქართველებს ასე გვეამაყება, ვინც ჩვენი ქვეყნისა და რაიონის სავიზიტო ბარათია და ვის ფესვებზეც ვაგრძელებთ ცხოვრებას.

სწორედ ფიროსმანს მიეძღვნა ღონისძიება, რომელიც ხორნაბუჯის საჯარო სკოლაში ჩატარდა. ღონისძიება ხელოვნების პედაგოგ-

მა რუსუდან კიკილაშვილი-მამა მოამზადა VI კლასის მოსწავლეებთან ერთად. ნორჩებმა გააცოცხლეს ფიროსმანის ცხოვრება და მოღვაწეობა. იმ დღეს განსაკუთრებული განწყობა იყო დარბაზშიც, შემოდგომის ლამაზ ფერებს ენაცვლე-



## ქორიძე, ნაცვლიშვილი, ლომჯარია თუ მენაბდე - სახალხო დამცველობის კანდიდატები



საპარლამენტო უმრავლესობის წევრებსა და არასამთავრობო ორგანიზაციების წარმომადგენლებს შორის გამართულ შეხვედრაზე, სახალხო დამცველობის კანდიდატურები განიხილეს. არასამთავრობო პარლამენტს ზენად ქორიძის, ანა ნაცვლიშვილის, ნინო ლომჯარიას და ვახუშტი მენაბდის კანდიდატურებს სთავაზობენ. პარლამენტის თავმჯდომარის მოადგილის თამარ ჩუგოშვილის განცხადებით, პარლამენტის მხრიდან ღირსეული და სწორი გადაწყვეტილება იქნება, თუ არასამთავრობო ორ-

განიზაციების შემოთავაზებას გაითვალისწინებს და სახალხო დამცველს შეთავაზებული კანდიდატებიდან აირჩევს. „სახალხო დამცველის თანამდებობაზე არასამთავრობო ორგანიზაციების მხრიდან დასახელებული კანდიდატები საკმაოდ ღირსეულები არიან. მათ თავიანთი საქმიანობის განმავლობაში დამტკიცებული აქვთ ადამიანის უფლებების მიმართ ერთგულება. არასამთავრობო სექტორმა პოზიტიური პროცენი გაიარა, როდესაც ოთხ კანდიდატზე ჩამოყალიბდა. იმედი მაქვს, უმრავლესობა არასამთავრობო ორგანიზაციებიდან

შეთავაზებული ოთხი კანდიდატიდან ერთ-ერთზე შეჯერდება, - აღნიშნა ჩუგოშვილმა. სახალხო დამცველის კანდიდატის არჩევის საკითხზე უმრავლესობის სხდომა ხვალ გაიმართება. წინასწარი ინფორმაციით, შეხვედრაში მონაწილეობას პრემიერ-მინისტრი და „ქართული ოცნების“ თავმჯდომარე გიორგი კვიციანიშვილიც მიიღებს. მოქმედ სახალხო დამცველს უჩა ნანუაშვილს უფლებამოსილების ვადა 7 დეკემბერს ეწურება. სახალხო დამცველს პარლამენტი 5 წლის ვადით ირჩევს.

## ქართველმა კინემატოგრაფისტებმა 4 უმნიშვნელოვანესი ჯილდო მოიპოვეს

ავსტრალიის ქალაქ ბრისბანში, Asia Pacific Screen Awards-ის დაჯილდოების საზეიმო ცერემონიაზე, ქართველმა კინემატოგრაფისტებმა 4 უმნიშვნელოვანესი ჯილდო მოიპოვეს, - ამის შესახებ ინფორმაციას საქართველოს კინემატოგრაფიის ეროვნული ცენტრი ავრცელებს.

„დაჯილდოების ცერემონიისთვის ნომინანტები მსოფლიოს 70 ქვეყნიდან შეირჩა. მაღალი კონკურენციის მიუხედავად, სულ გაცემული 15 პრიზიდან, საქართველოს 4 ჯილდო მიენიჭა. უიურის გრან-პრი ახალგაზრდა ქართველ რეჟისორს, ანა ურუშაძეს ხვდა წილად, ფილისთვის „საშიში დედა“. „საში-

ში დედა“ ოსკარზე საქართველოს კანდიდატი ფილმია, რომელსაც უკვე მიღებული აქვს ლოკარნოს კინოფესტივალზე „ოქროს ლეოპარდი“ და სარაეოს კინოფესტივალის მთავარი ჯილდო. კიდევ ერთ ქართველ რეჟისორს მარიამ ხაჭვანს კი ფილმისთვის „დედე“, იუნესკოს „კულტურული მრავალფეროვნების“ ჯილდო გადასცეს. ფილმში „საშიში დედა“ შესრულებული მთავარი როლისთვის დაჯილდოვდა ნატა მურვანიძე, როგორც საუკეთესო მსახიობი ქალი.



**ულოცავენ!**  
**დეკემბერი უთრთავილს!**  
ბატონო ჯუმბერ, გილოცავთ დაბადების დღეს, გისურვებთ ჯანმრთელობას, დიდხანს სიცოცხლეს. მრავალჯერ გაგახარებინოთ მკითხველი თქვენი თბილი ლექსებით. თქვენთან ერთად ვულოცავთ ოჯახს თქვენი შვილიშვილის მაგდას დაოჯახებას. ბედნიერი ყოფილიყოს მისთვის ეს ნაბიჯი. **სიყვარულით, პატივისცემით, ყოველივე კეთილი სურვილებით სერბო ქართველიშვილი, ლაგარა მინთიშვილი, ნინო სანთაშვილი.**

ქართულმა საპროდიუსერო კომპანიამ 20 Steps Productions ფილმის პროექტის „ნენე“ განსავითარებლად MPA Apsa Academy Film Fund-ის ფულადი პრიზი მიიღო. ფილმს

მარიამ ხაჭვანი გადაიღებს, მისი პროდიუსერი კი ვლადიმერ კაჭარავა იქნება. Asia Pacific Screen Awards, რომელსაც ყოველწლიურად ათასობით სტუმარი ესწრება, 2007 წლიდან იმართება და მას

ღონისძიების მნიშვნელობისა და მისი მასშტაბურობის გამო აზიურ ოსკარს უწოდებენ, - აღნიშნულია საქართველოს კინემატოგრაფიის ეროვნული ცენტრის მიერ გავრცელებულ ინფორმაციაში.

ა მ ი ნ დ ი		დ ე დ ო ფ ლ ი ს ც ყ ა რ ო	
ორშაბათი 27.11 დღე	სამშაბათი 28.11 ღამე	ოთხშაბათი 29.11 დღე	სუთშაბათი 30.11 ღამე
6°	4°	7°	5°
სამშაბათი 01.12 დღე	პარასკევი 02.12 ღამე	შაბათი 03.12 დღე	კვირა 03.12 ღამე
6°	3°	4°	3°

გამომცემელი შპს „შირაპი“ დირექტორი ინგა შიოლაშვილი რედაქტორი <b>ნაირა გორაშვილი-პოპიაშვილი</b> წერილში მოყვანილ ფაქტებსა და ციფრებს პასუხს ავებს ავტორი.	სარედაქციო კოლევა: <b>ლალი მახრინიშვილი, ილია მარტყოფლიშვილი (ყურნალისტები); ელზა ხარაშილი (სტილისტ-მენეჯერი); ნათია ზოსტაშვილი (ბუღალტერი); ნინო ჰანაშვილი (ოფის-მენეჯერი); მზია ქანჭავა (დისტრიბუტორი); ზურაბ ბუნაშვილი (კომპიუტერული უზრუნველყოფა).</b> გაზეთი აიწყო და დაკაბადონდა „შირაპის“ კომპიუტერულ ბაზაზე. ყოველკვირეული გამოცემა იბეჭდება შპს „სამშობლოს“ სტამბაში.	რედაქციის მისამართი: ქალაქი დედოფლისწყარო, ფიროსმანის №18, ტელ. 0 356 22 55-49; 598 72-18-72 (დირექტორი) 591-97-73-26 (რედაქტორი)	რეგისტრირებულია დედოფლისწყაროს რაიონის სასამართლოს მიერ, №6014-468.
---	---	---	---